

CIMELIA

Qu

5417

fac.




5417

ĆIMELIA


Biblioteka Jagiellońska.

5417



IV. c. 89.





[DANTYSZEK Jan]

2

Histor.
5246.

LA GRAND
VICTOIRE DV TRESILLVSTRE
 Roy de Pologne / contre Vapeuode duc de Mulsauie /
 tributaire & subiect au grand Turc / faicte le xxii
 iour daoust / Lan mil cinq cens trête & Vng /
 Translatee de latin
 en francois.



Crim. Qu. 5417

Imprime a Paris a lescu de Basse / Lan
 M. D. xxxi. le quatorzies-
 me de Novembre.



NOV 18 1871



5417

La Victoire du tresillustre Prince & seigneur Sigismund
 de premier de ce nom / Roy de Pologne / & du grand duc de
 Lituanie / Russie / Prussie & Masovie etc. seigneur & her-
 retier / Catre Dapoude duc de Hulbaue iadis Dacie
 tributaire & subiect au Turc / prince de Valachie / partie
 de Asie inferioze / tendant au fleuve Tyre qui
 se rend à la mer Euxine / laquelle a
 este donnee de dieu par troyz foyz
 au moyz daoust dernier passe &
 finie le xxii iour du dict moyz /
 Lan mil cinq cés trēte & vng.



Vapoude duc de Hulbaue & ses predeces-
 seurs / comme est la coustume de gens perfi-
 des & violateurs de leur foy / Jamais de lōg
 temps nont tenu hōne promesse aux Roys
 & royaulme de Pologne / cōme ilz estoient tenuz. En ceste
 coustume voulant supuir ses predecesseurs Vapoude /
 cest hyuer passe / oultre toute esperance / promesses / & iu-
 remens de par luy faictz rompuz / & sans en rien faire
 denōcer / a occupe & prins sans foy & honneur la prouin-
 ce du royaulme de Pologne / appellee Poczuzie. Laquelle
 iniure na peu long tēps endurer le roy de Pologne. Par-
 quoy il a faict ammasser grand nombre de gens dar-
 mes en son royaulme par sire Jehan conte de Char-
 nobb / Palatin de Russie & capitaine general de lost &
 gēs de guerre du royaulme de Pologne / hōme fort excel-
 lēt & expert en faict de guerre & aultres beaux faictz / les
 qz il auoit dispose en diuers lieux / affin que Vapoude

A. ii. son

La Victoire

son ennemy ne puiſt ſcauoir le nōbre certain / & auoit cō-
mande d'approcher vng peu deuant la feſte ſainct Jac-
ques aux lieux qui eſtoient fortifiez par les garniſons
de Dapeuode. Iceſuy nombre & oſt ne cōtenoit que gēs
de cheual / excepte trois cēs pietōs q̄lz gouuernout & me-
noit les machines & bōbardes. Et en aps il ha euoye de-
uant / deulx mille & ne ſcay quants cens des dictz hom-
mes a cheual / lesquelz pourroit aſſailir en diuers lieux
icelle prouince de Pocuozie / oultre leſperance & ſcauoir
des Dalaches & gens de Dapeuode / qui eſtoient pla en
garniſon enuiron mille quatre cens apres a la bataille
ſans le bagaige. Les gens darmes de Poloine faiſans
Baillammēt le commandement du Capitaine / nont pas
ſeulement aſſailly la prouince d'une part / mais de tous
coſtez en ont tue & occis gros nombre & prins pluſieurs
en Vie / entre lesquelz eſtoient pluſieurs familiers / & de la
court de Dalache / aultrement appelle Dapeuode / & en
deux iours ont recupere toute la prouice / fors vng cha-
ſteau nomme Ḡboſdzicz / lequel on auoit oſte a vng
noble Prince de Poloine / appelle Th̄borodſci. Tou-
tesfoys vng peu apres lōt aſſiege & remis en leurs mains
& puyſſance / & p ont eſleu vng duc & capitaine nomme
Dlodec. De tel aſſault des Polontens / en ſont demeure
bien peu des Dalachiens / lesquelz ſe ſont retirez en Da-
lachie. En icelle victoire neſtoit pas preſent le capitaine
general / cōte de Tharnoſſ / mais avec la meilleure par-
tie de ſon exercite attendoit la fortune non pas de loing.
Les nouuelles de telle victoire ont eſte apportees a Cra-
couie au Roy de Poloine / avec aucuns captifz par vng
noble ieune hōme Spitec de Tharnoſſ. Vng peu aps
est

Des Poloniens

est arrive vers la maïeste du Roy noble homme Hierosme Schaffranpecz/ lequel ha amene de telle Victorie plusieurs captifz/ lesquelz sont distribuez par les chasteaux & forteresses du Roy. Apres telle Victoire Dapenode Dalache fort courouffe/ ha assemble de tout son peuple vne grande multitude de gens / & les ha diuise en trois parties. Le nombre estoit oultre vingt mille/ lequel avec ses gens est venu a la prouince Poczuzie/ & ha euope six mil hommes de cheual pour recouurer le chasteau Gbostzicz. Mais le Cote de Tharnobd/ capitaine/ de ce aduert/ est arrive assez tost & en bone heure avec tous ses gens/ & ceulx qui se estoient adioinctz a luy/ pour secourir le chasteau & les assiegez. La quelle chose voyas les Dalachies ont fort bataille contre les Poloniens le dixneuiesme iour daoust passe. En icelle bataille & conflict/ avec layde de dieu/ les Poloniens superieurs & Victorieux ont chasse & mis en fuitte les six mille hommes des Dalachies/ desquelz plusieurs ont este tuez/ & les autres prins/ & specialement ceulx qui estoient de la court de Dapenode. Quant Dapenode eut ouy par deux de ses capitaines qui se estoient fuyz/ telle occision & perdicion de son exercite & ost/ il en fut moult esmeu / & comanda que ses deux capitaines qui luy auoient apporte les nouvelles / & qui sen estoient fuyz/ eussent la teste tranchee/ mais par les prieres d'aucuns furent seulement liez de chaines de fer/ & mis en prison. Car la coustume des Dalachies est telle/ que ceulx qui reuiennet de la bataille a leur maïson soient plus griesuement puniz que silz eussent este occis en la bataille. Dequoy adulent quilz sont plus cruelz en guerre que plusieurs autres nations. Donc Dalache
esmeu

La Victoire

esmeu de ire & de hôte luy en personne avec tous ses gés
ha assailly les Poloniens environnez et encloz dedans
leur camp/ comme ont de coustume/ avec chariotz & mu-
railles de terre/ de plusieurs & moult grandes pieces d'ar-
tillerie/ lesqz ilz auoit faict porter avec luy. Mais quāt
les Poloniés ainsy environnez / & ne excedans point la
sixiesme partye des gens de Dalache/ ne scauoient plus
sostenir ne tenir ferme/ po' la grād multitudine des bou-
letz/ tantost par layde de dieu/ furent enflambez & esmeus
& animez des precedētes Victoires / a ceste cause par bon-
ne ordre se sont falliz du camp & batuz contre leurs enne-
mys/ & les accusans de leurs promesses rōpues/ ont sou-
tenu bā la bataille l'espace de cinq heures sās cesser. Les-
quelz ont mis ha bas iusques a la mort. Et oultre plu-
sieurs aultres mille des tuez & occis/ Dapeuode fuyant
feut blece/ & receut deux plaies. Les grādes artilleries &
tormens de guerre furent prins environ cinquāte/ avec
pouldres / bouilles / chariotz & toute la reste de l'artillerie
& butin. Entre lesqles pieces en auoit aucunes lesqles
deuant trente quatre ans auoiēt este ostees aux Po-
loniens/ & peu de temps il ha / aux Transsylvains Hon-
guers. Item deulx grandes enseignes & estādartz & les
plus principaulx/ les tabourins & plusieurs aultres in-
strumens de guerre. Toutes lesquelles choses feurent
faictes le xxij iour daoust passe. Les Poloniés suruās
la victoire ont poursuyui les Dalachies/ & mis en fuit-
te iusques a vne lieue & demye de alemaigne/ tūās & pre-
nans plusieurs nobles personnes en Vie. Le nombre des
tuez ha este grād/ & entre eulx plusieurs trouuez des pl^s
principaulx de Dalache. Celle ioyeuse nouvelle ha ap-
porte

Des Poloniens

porte au Roy de Pologne a Tracouie Vng capitaine nō
me Szbbiencziczci le Vingtneufuiesme iour daoust. Le
lendemain le grand capitaine conte de TharnobB en-
uoya aussy Vng noble ieune homme nomme Sbigneus
Sziépēsa/lequel mena aulcū captifz a la maieste Roy-
alle. En apres Vng aultre capitaine Gassobbieczci âme
na avec luy gros nombre de captifz/ entre lesquez estoit
celluy qui se nomme en lāgaige Dalachie Glogofet/ qui
est a eulx le nom du grant chancelier. Item ⁊ le somme-
lier/ ⁊ lescuyer avec plusieurs aultres officiers de Dala-
che. En somme Dalache na rien emporte dicelle batail-
le que son corps blece ⁊ naure de deux plaies / leq̄l non
sans cause a porte la paine de ses promesses rōpues. Et
ceulx de Dalachie ont si tresgrand paour que plusieurs
sen fuyēt avec leurs biens en Honguerie ⁊ Moldauiē.

Honneur/ gloire/ ⁊ graces soient rendues a dieu/
lequel donne ⁊ permette le Roy de Pologne
Viure ⁊ triumpber longuement contre
les Enemys de la croix ⁊ foy chris-
tienne. Amen.

Celle histoire de ceste presente victoire est extraicte des
lettres du Roy de Pologne/ ⁊ d'aulcuns aultres. Lesq̄lz
ont tout escript plus proprement.

Donne a Bruxelles en la court de Lempereur/ le xxiiii
de septembze/ Lan mil cinq cens trente Vng.



